



Nunat tamalaat akornanni aningaasaliisussanut pilerinarsaanissamut atatillugu Tasersiarmi erngup nukinganik nukissiorfiliortoqarnissaata avammut ussasaarutiginnissaanut aalajangersimasumik pilersaarummut periusissioroqarnissaanik Naalakkersuisut peqquneqarnissaannik Inatsisartut aalajangiiffigisassaattut siunnersuut. Pilersaarut kingusinnerpaamik UKA2022-mi saqqummiunneqassaaq.

(Inatsisartunut ilaasortaq Siverth K. Heilmann, Atassut)

Siullermeenera

Naleqqamiit Inatsisartunut ilaasortaq Siverth K. Heilmann, Atassut aalajangiiffigisassatut siunnersuummut soqutiginaateqarlunnartumut qutsavigerusupparput.

Kalaallit Nunatsinni tatsit periarfissarpassuaqartut anginersaasa ilaat Tasersiaq angissuseq aallaavigalugu erngup nukinganik nukissiorfiliornissamut periarfissaqaqisoq taamatullu qitiusumi inissimanagera tungavigalugu periarfissaqaqisoq pillugu Sivert K. Heilmann inatsisartut aaliangiiffigisassaattut siunnersuuteqarfigaa.

Periarfissap annertuup avammut nunat tamalaat akornanni aningaasaliisinnassanut ussasaarutiginnissaanut aliangersimasumik pilersaarummut periusissioroqarnissaanik Naalakkersuisut peqquneqarnissaat siunnersuuteqartup kissaatigaa.

Nunatsinni nammineq pilersornerunissatta taamatullu niuernikkut iluaquteqarnissarput nunarsuarmilu silap pissusianut tunngatillugu ajornartorsiornerup akiorniarneqarneranut akissusaqataalluta inerisaanissarput aallaavigalugu, mingutitsinnigsumillu aaqqiissutissat siunissami siunnerfigineqartut Naalakkersuisooqatigiit siunnerfigisatsinnut ilaasuummata siunnersuuteqartup siunnersuutaa pillugu peqataanissarput Naleqqamiit pissusissamisoorpoq.

Erngup nukinganik imminut pilersornitsinnut atorneqartussaannigitsut sinneqartoorutaasut annertuut suliffissuarnit atorneqarnissaannut nunatsinni nunanilu tamalaani aningaasaliisartut kajumilersinnissaat Naalakkersuisut kissaatigaat, akissuteqarnerminni erseqqissaatigaat takkulu pillugit erngup nukinganik isumalluutit annertunerpaanik periarfissaqarfiusut



unammilleqatigiissutiginiisaat siunertaralugu akisutiminni ilanngullugu ersarissarpaat tassungalu Tasersiaq ilaalluni.

Naalakkersuisut taamatut Tasersiaq pilersaaruteqarnerminni allannguutissatut siunnersuutaat Naleqqamiit taperserlutigu ataatsimiititaliamut susassaqartumut innersuussutigaarput.

Naalakkersuisut allannguutissatut siunnersuutigaat:

Tasersiami aammalu periarfissaqarfiusuni qanitaaniittuni erngup nukinganik

periarfissaqarfiusut nittarsaanneqarnissaannut unammilleqatigiisitsiviginissaannullu

pilersaarummik aalajangersimasumik suliaqarnissamik peqquneqarnissaat pillugu

Inatsisartut aalajangiiffigisassaattut siunnersuut. Erngup nukinganik periarfissaqarfii

taakkua unammilleqatigiisitsiviginissaat pillugu nalunaaruteqarneq 2022-mi pissaaq.

Naalakkersuisut UKA2022-mi suliaqarneq pillugu Inatsisartunut ilisimatitsinissamik

peqquneqarput.